



J i
3399a



~~Bl. zu an Di~~ Ni 2086 (Fi 3399)

anderes Drück
erstellen Rom



Ein ermanung an die
 Keyserliche Maiestat / desz Euangeli-
 umbs halben / inn seinen Erb-
 Lenndern.

Darinnen auch ein Trewe warnung
 an Vnns Teutschen.

Durch einen Wolweisen Kriegsz-
 erfarnen Herrn schön bes-
 schriben.

Anno/ M. D. xlvj.

*



22.

13.

21

Universitäts-
Bibliothek
halle



Herr Gott erkennner aller hertzen/

Sich an was jamer vnd auch schmerz:n/
Jez vnd leyder ist vorhanden/

Inn Teutschen vnd inn Welschen Landen.

Dein Heiliges Wort wil man verreiben/

Darvon zu reden wölln sie nit leiden.

Viel Menschen sein darumb verdorben/

Im Glauben seine sie wol gestorben.

O Carle Carle bedenc̃ dich eben/

Was dir GOTT für Gnaden hat geben.

Gemacht dich zu eynem grossen H^{er}rn/

Solt darumb GOTTes Wort nicht wehrn.

Sonder trewlich helfen pflanzen/

Das deine Pfaffen vnd ihr sinangen/

Alleyn nim̃ GOTTes Wort für dich/

Geschicht es nit gedenc̃ an mich/

GOTT ist vil mechtiger als du/

Die Pfaffen haben kein rast noch rü.

Wölln mit gewalt GOTTes Wort verdringen/

Besorgen sie werden nichts güts drauß bringen.

GOTTes Wort würdt nicht ablan/

Ehe müß Teutchs Land zu scheidern gan.

Darumb grosser Keyser sonder feel/

Besinn dich wol hast auch ein Seel.

Sizst du wol still nimpst dichs nit an/

Würds doch inn deinem Land gethon/

Leüth zu tödten vnd zu brennen/

Darbey lernt man die Pfaffen kennen.

Was sie füren inn ihrem Sin/

Hette vor der Teuffel den Luther hin/

Vnd seine Büben allzumal/

So wern vnser Kasten vnd Keller vol.
Vnd hielten noch vnser Menschen lere/
Gleich als wann Gottes Wort nichts were.
Das man sie alleyn müst achten/
Gewaltiger Keyser thü betrachten/
Was dir vnd vns ist daran gelegen/
Laß dich die Pfaffen nicht bewegen/
Im Glauben die Teutschen zu Reformiren/
Es wil dir Keyser nit gebüren./
GOTT inn sein Zer vnd Ampt zu treten/
Wir müsten ihn als GOTT anbetten.
Als der vns hat am Creutz erlöset/
Mit seiner Vfferstehung getröst.
Vff das alle die an Ihn glauben/
Wölle er seins Leibs nicht berauben/
Sonder vns das Ewigk Leben schencken/
Güttiger Keyser wöllest bedencken/
Das man allzeit dein bestes spricht/
Haben dich die Pfaffen anders bericht.
Thü die Geschrifft mit vleiß umbkeren/
Würt dich den rechten Weg wol leren.
So würt GOTT lassen das Glück bei dir/
Wa aber nit/so glaub du mir/
Gott kan sich von dir gewenden/
Sein Wort leßt er ihm nicht zutrennen.
Die Pfaffen haben dich bericht/
Wie Paulum inn der Aposteln Geschicht/
Er wolt auch widdern Stachel lecken/
Wies ihn GOTT thet auß gnaden erwecken.
GOTT wöll dich auch als ihn bekern/
Als dann würt sich die Christenheyt mehrn.
Sich wie

Sich wie die Jüden Christo hetten/
Als sie sonst nichts mehr an ihm hetten.
Versüchten Ihn mit Keyfers Kendt/
Er aber Antwort ihn behendt.
Begert von ihn die Münz zu sehen/
Bald druff thet Er zu ihn jehen:
Gebt dem Keyser sonder wahn/
Was ihm gebürt vnd er sol han.
Doch sage Ich euch zu diser frist/
Gebet auch GOTT was sein ist.
Da sichstu Keyser wie GOTT der HERR
Nur will inn dein Weltlich Er
Dir tragen/sonder zu lassen/
Also will Er auch dermassen/
Vor dir sein vnd pleiben GOTT/
Wiewol die Pfaffen treiben spott.
Das leide Er bis zu seiner zeit/
Ers wenden will/es ist nit weit.
GOTT kumpt inn eynem augenplick/
Gedenck ann so mannich grosses glück/
Du hast gehabt bey deiner Kron/
Da soltstu billich dencken an.
Was GOTT zuließ nach deinem verlangen/
Der König vō Franckreich war dein gefangner.
Rom die Statt hast du gewonnen/
Da soltstu billich han besunnen.
Das du bist vnser Keyser geehrt/
Darumb dir GOTT hat Rom beschert.
Dieweil du fürest Römischen Tittel/
Hört dir Rom zu sonder mittel/
Darumb O Keyser Hochgeborn/

Bedenck den Eyd/du hast geschworn
Das heilig Römisch Reich zu mehrn/
Laß dich die Pfaffen nicht vertern.
Vergieß nicht das Christen Blut/
Sonder hab GOTTes Wort inn hüt.
Sich was Triumph dir GOTT hat geben/
Villicheit noch mehr bei dein leben.
Dann keynem Keyser inn langer zeit/
Was seins die armen Christen gefrewt.
Dieweil die Pfaffen han gewalt/
Inn deinem Reich dir vorbehalt/
Zü hörn das Heilig GOTTes Wort/
So würst du Selig hie vnd dort.
Wilt du aber vff deinem vornemen pleiben/
Die armen auß deinem Landt vertreiben.
Blut vergiessen ohn vnderlassen/
GOTTes Wort von dir stossen.
Zü lest die Teutschen vnderstehn zu dringen/
Den Pfaffen nach ihrem Lied zu singen.
Als sie vermeynen vns zu erben/
Vns arme Teutschen gar zumerderben.
Das bedenck dich Keyser wol/
Obs GOTT der H^{er}z auch leiden sol.
Vnd leiden wolle solchen hochmütt/
Hab acht ans End so würtz noch gütt.
Vnd kumpt vns alle zu strewer/
Das Stro leidt warlich nah beim Feuer.
Es ist leichtlich anzubrennen/
GOTT wölle all ding zum besten wenden.
Der Bapst hat zu lang gefessen/
Sein ist bei vns gantz vergessen.

Wit sampe

Mit sampt seiner Büberey/
Das Reich wonet dir mit trewen bey.
So feer du sie nicht thüft bedauben/
Vnd ein jeglichs last glauben/
Was ihn dünckt zur Seelen nott/
Wich deucht es wer keyn besser rath.
Der Glauben last sich nicht zwingen/
Wie hoch die Pfaffen daruff dringen.
Wuß mann ihn irn willen lan/
Den vnsern wöllen wir auch han.
Vnsern Willen zur Seligkeyt/
Sonst sein wir Keyser dir bereyt/
Mit schuldigen diensten alle zeit/
Doch das wir sein inn dem gefreitt/
Inn vnserm Glauben vorn Römischen Pfaffen/
Mit den wölln wir nichts han zuschaffen.
Sonder bleiben bey GOTTes Wort/
Wie täglich bey vns wirt gehort.
GOTT hab Lob zu aller zeit/
Darzu setzen wir Land vnd Leüth.
GOTTes hülff mir darzu nemen/
Jezt müssen sich die Pfaffen schemem.
Ir büberey ist gang am tage/
Wie Herzog Heinrichs niddelage.
GOTT geb O Keyser hoch genant/
Du habst mit heymlichem verstand/
Schabt mit dem selben Hauffen/
Hests nit gemeynt das er zurlauffen
Solt sein/ vnd were also ergangen/
Das der Herzog solt werden gefangen.
So hat GOTT sein Gnad bewisen/

Darumb

Darumb Ihm Lob wirt täglich gepriest.
GOTT der HERR leß nit mit Ihm scherzen/
Edler Keyser nimß zu hertzen.
Widder GOTT mach keyn heymlichen Bund/
GOTT wend die zeit/das zil/die Stund.
Sein Gewalt gibt Er wem Er will/
Ich besorg ich red schier zuvil.
Noch wil die Warheyt sein bekant/
Wichtiger Keyser sey gemant.
Vnd mach ein bestendig Eynigkeyt/
Zwischen vns vnd der Geystlichkeyt.
Laß vns bleiben vff vnserm Sin/
Laß sie hinfaren mit ihrem Gewin.
Gewaltiger Keyser nim dein Kron/
Vnd zier die Teutsche Nation.
Durchlechtigster Keyser erkorn/
Du bist vom Teutschen Blut geborn/
Vom Herzogthumb von Osterreich/
Den die Fürsten all zugleich/
Gekorn haben inn Teutschem Landt/
Darumb Keyser biß vermant.
Laß vns bey vnserm Glauben bleiben/
Wollen vns dann die Pfaffen vertreiben/
So sitz du nicht mehr dann still/
Villich ist Gottes will/
Das wir vns ihrer erwehren/
Thü vns nicht weiter beschwern.
Wöllest sie auch nicht stercken/
Wa wirs sonst würden mercken/
Were vnser hoffen zu dir verlorn/
Verhenge nicht der Pfaffen zorn.

Sie wölln

Sie wölln nur mit dem Schwerdt dran/
Da sollen sie nichts gewinnen an.
Stehe du nur Gottes Wort bey/
So seind wir aller sorgen frey.
Zieg an Türcken wir seind bereyt/
Mit dir zu leiden lieb vnd leydt.
Dir helffen ihm sein Reich krencken/
Das wöllstu Keyser wol bedenccken.
Vnser Reich ein mal auch mehrn/
Kan niemandt verargen noch verkern.
Sonder darzü haben lust/
Ich glaub wanns der Türck wüß/
Er würd sich gegen dir nit streuben/
Würst ihn wie ander künden erlegen.
Ihn heysen ziehen hinder sich/
Eynßens dings verwundert mich/
Von vnsern Geystlichen Leütten/
So sie wölln zu allen zeitten/
Die besten Christen sein genannt/
Das sie so gar keyn widderstand/
Begern widder den Türcken/
Alleyn ihr gemüt dahin stercken/
Wie sie vns gar möchten verschlinden/
Das man Gottes Wort nit mehr möcht finden.
Darauff wenden sie grosses Gütt/
Nur zuergießen Christen Blüt.
Geben sie das zur Türcken steuer/
Der Glaub bey ihnen wer nit so thewer.
Wölln sie sein die Hirten vnd schlaffen/
So würdt sie GOTT warlich straffen.
Mit allen denen die an ihn hangen/

b

Darumb Keyser stell dein verlangen/
Zu GOTT vnd seinem Heiligen WORT/
Vnd far als dann mit freuden fort.
Thü wie eym Keyser zimpt inn Ehrn/
Deß Türcken Wacht kan dir nicht wehrn.
GOTT würt sein Gnad dir senden/
Das Glück wirdt sich nicht von dir wenden.
Als dann würst du der ganzen Erden/
Eyn gewaltiger Keyser werden.
Viel mechtiger als dein Vorfarn/
Wilt du aber anders gebarn/
Vnd dich die Pfaffen lassen leyden/
Dein Seel mit Menschen Leer zuweyden.
Damit GOTTes Wort verachten/
Keyser das solt du betrachten/
GOTT kan dir nemen deinen Gewalt/
Kan ihn geben eynem andern balde.
Dein Landtschaft kan sich von dir gewenden
Hie vnd auch an andern enden.
GOTT kan dir machen also bang/
Das du nit weyst wo oder wann/
Wohinn oder auch wohinnaus/
Die Pfaffen halten selzam hauß.
Verlaß dich nit vff ihren pracht/
GOTT hats bald als zu nichts gemachte.
Der wirt endlich den Bapst verstoßen/
Mit allen seinen Bundsgenossen.
Darmit Keyser wil ich dich warnnen/
Ich weyß du hast die Geschrifft erfaren/
So leß den Propheten Jonas/
Der drei tag im Visch was.

Den schickt

Den schickt GOTT inn die grosse Statt
Niniue/ vor des Königs Rath/
Rufft lauet die Statt sol vndergân/
Die már kam vorn König hin/
Im Sack der äschen thet er büß/
Wiewol Jonam das verdros.
Laß den Papst/ bleib du bey GOTT/
So hilfft Er dir auß aller nott.
Pharo wolt Mosen nicht lan/
Inn das Gelobte Landt lassen gan/
Vff ihn samlet ein grosses Heere/
Ertruncken all im Roten Meere.
Viel Keyser hats GOTTs Wort verdrossen/
Hats aber irer Keyner gnossen.
GOTT gibe vnd nimpt wann Er will/
Er leßt wol zü/ doch nicht zuntel.
Sein Wort zu drucken kleyne zeit/
Das will Er haben ganz gefreitt.
Sonderlich vor Menschen Leer/
GOTT wöll dein Maiestat bekern/
Zü seinem Wort mit rechtem glauben/
Der Papst darff dir das nicht erlauben.
Solche Macht stehet ihm nicht zü/
Er hat keyn frid noch keyn rhü/
Mit den seinen dich zuuerfüren/
Vns Teutschen zü Examiniren/
Mit dem Blut vnd mit dem Schwerdt/
Das ist das sein hertz begert.
Ganz Teutsch Nation zuerwüsten/
Das laß dich Keyser nicht gelüsten.
Brauch dein güte inn solcher Sach/

Gottes Wort ist auch nit schwach.
Wa man ein solchs würd beginnen/
Wöcht man frembd hend inn harn finden.
Vnd wirt sich heben ein Blütuergiessen/
Das wirt die Pfaffen dann verdriessen.
An ihrem wöllen wirts nit stan/
GOTT laßt sein Wort nicht vndergan.
Ob schon der Bapst dir heymlich gelt
Gibt/vnd ander mehr bestelt/
Vns armen Teutschen gar zuuertreiben/
Ich hoff zu GOTT/ Er werds nicht leiden.
Das deine Spanier inn vnserm Landt/
Treiben solche spott vnd schand.
Vnd schmähen vnser Kind vnd Weib/
Darfür wagen wir vnser Leib/
Dann sehen ihren spott vnd gwalt/
Wein GOTT dafür vns erhalt.
Wend von vns ihren vbermütt/
Keyser hab dein Sach inn hütt.
Nimpt GOTT das glück von dir/
Der Bapst laßt dich/ das glaub mir.
Thü wie ein frommer Keyser soll/
Wann du kennst doch die Teutschen wol.
Nit gedencck dir sie zu buzen/
Wir Teutschen lassen vns nit trutzen.
Doch wölln wir thün was dir gepürt/
So fern du vns nicht würst verfürt.
Will dich also mit trewen warnn/
Hütt dich vor den Pfaffen Garn.
Das sie haben vff vns gezogen/
Haben damit sich selbst betrogen.

Dann

Dann GOTTes Wortt pleibt Ewigk hie/
So sie verschwinden weyß niemandt wie.
Hierumb sich Christlicher Brüder/
Wie die Pfaffen haben ihr lüder.
Gelucht vff vns gleich vff ein ass/
Jr Sin vnd gedancken stehet wie ein frass.
Sie können Gottes Wortt nicht widderstan/
Nun wölln sie mit gewalt daran.
Warlich sie versüchens alls/
Henden vns den Keyser an den hals/
Der sol vns Teutschen gar essen/
Damit GOTTes Wortt werd vergessen.
Darumb ihr Fürsten alle sampt/
Jhr H^{er}ren alle im Teutschen Landt/
Laßt stillstan vnder Euch ewer hadern/
Jhr habt den Weihen vffm Gattern.
Verstads baß danns ist geschriben/
Mit Gottes Wortt wirt hochmüt getriben.
Jhr secht wie schwind ist jez die Welt/
Habt acht wann mann Kriegsvoldt bestelle.
Die meer inn andern Landen fliegen/
Der Keyser wölle inn Hispanien ziehen/
Wöll inn Barbarey Allegeraw gewinnen/
GOTT geb das mirs nicht werden innen.
Das Allgeraw werd genannt/
Vnd gehe vber das Teutsch Landt.
Der Practicken seind so mechtig vil/
Das ich darvon nichts sagen will.
Hierumb bitt ich nach seinem stand/
Eyn jeden wil ich han ermant.
Er wöll solch mein schreiben/

Difmal bey ihm lassen pleiben.
Baß verftehn danns iſt gemacht/
Wers ein wenig wil haben acht.
So warnn ich Vns mit allem vleiß/
Darvon hab ich hörn reden leiß/
Als ſolts pleiben inn der Federn/
GOTT wöll vns glück vnd heyl beſchern/
Vnd verleihen krafft vnd macht/
Ir groffen H^ERn habe eben acht.
Vnd erwacht zu rechter ſtund/
Ich meyn euch im Schmalkaldiſchen Bund/
Oder Proceſtirenden Stend/
Wie ihr dann wölt ſein genennt.
Ihr hört was ich dem Keyſer ſage/
Wie ſeer ich vber die Pfaffen klage.
Herzog Heinrich iſt der ſachen Anfangt/
Laßt Euch die zeit nit werden langt.
Der Sommer iſt nit weit hieruon/
Dann ſahen wir etwas anders an/
Deyln GOTTes Wort mit Spiessen auß/
Würt manchem zu ſchweer inn ſeinem hauß.
Der Hund leit vns vor dem Thor/
Wo ihr der Sachen nit kumpt vor/
Eyn Spanier nem eynen Ducatten/
Thet inn eynes Chriſten Blut umbwatten.
Vnd heyßen Vns die Teutſchen Hund/
O der vnglückhafftigen Stund/
Wo ſie nemen vberhandt/
Zu Regiren inn vnſerm Landt.
So werden ſie vns geben zuſchaffen/
Das der Türck wol gieng ſchlaffen.
Sie hoffen faſt vff vnſer Vnglück/
Das wend

Das wend GOTT als vff ihren Rüd.
Wölle vns sein Gnade senden/
Ihren anschlag von vns wenden.
Vns geben seinn Göttlichen Segen/
Thun sie sich darüber regen.
Nachzukommen ihren gedanken/
Wöllen wir darumb von GOTT nit wandern.
Wöllen sehen was sie können/
Mit GOTTes hilff vns lassen finden.
Vnd sie lehren der massen/
Das sie vnderwegen lassen/
Teutschs Landt zu vberziehen/
Sollen widerumb nach Spanien fliehen.
Der Erst anschlag ist ihn mißlungen/
GOTT behütt vns vor den Spanischen zungen.
Es ist noch mancher stolzer Man/
Der sich nimpt GOTTes Wort an.
Stellt seinn Leib darumb an die Spitzen/
Es muß noch mancher drüber schwitzen.
So dannoch thut bleiben GOTTes Wort/
Der wöll Vns helfen hie vnd dort.
Hie dem Leib vnd dort die Seele/
Vor der heysen Hellen quele.
Vnd vor der Spanier vbermütt/
Ihr hertz vnd Sinn ist nit gütt.
Ihr Sin vnd gemüt ist nach vnglück/
Wein Spieß vnd Harnisch ist geschickt/
Mit GOTTes hilff Lob zu erwerben/
Oder vmb seines WOrts willen zu sterben.
Hiemit diß Gedicht volnpracht/
Ihr Teutschen HERRN habt eben acht/
Laßt Euch eyn Narren haben gesage.

[Faint, illegible text, likely bleed-through from the reverse side of the page]

Fi 13.

47



4
Di 3399 ~~2~~

ULB Halle

3


004 974 611



f







183

Ein ermanung an die
Keyserliche Maiestat / desz Euangeli-
umbs halben / inn seinen Erb-
Lenndern.

Darinnen auch ein Trewe warnung
an Vnns Teutschen.

Durch einen Wolweisen Kriegs-
erfahren Herrn schön be-
schriben.

Anno/ M. D. lxxj.

*



2c.
13.

m

